

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 69. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) Općinski načelnik d o n o s i :

P R A V I L N I K

**o uslovima i načinu refundacije dijela troškova certificiranja proizvodnih procesa, proizvoda ili usluga
za obrte i MMSP-ove na području Općine Centar Sarajevo**

I DIO- OPŠTE ODREDBE

Član 1. (Predmet)

- (1) Ovim Pravilnikom se detaljnije uređuju uslovi i postupak za izbor korisnika finansijskih sredstava planiranih u Budžetu Općine Centar Sarajevo.
- (2) Podrška za uvođenje certifikata realizuje se refundacijom troškova certificiranja proizvodnih procesa, proizvoda ili usluga kod akreditovanih agencija za certifikaciju i namijenjena je obrtima i MMSP-ovima sa sjedištem na području Općine Centar Sarajevo.
- (3) Cilj ove mjere je uvođenje sistema i standarda kvalitete, certificiranje proizvodnih procesa, usluga i proizvoda privrednih subjekata, čime se potiče konkurentnost subjekata male privrede na domaćem i inostranom tržištu.

Član 2. (Korisnici sredstava)

(1) Korisnici podsticajnih sredstava mogu biti obrti i MMSP-ovi koji:

- a) imaju sjedište na teritoriji Općine Centar Sarajevo i osnovana su u skladu sa važećim propisima Federacije BiH,
- b) posluju, na teritoriji Općine Centar Sarajevo, najmanje 3 (tri) mjeseca prije objave Javnog poziva,
- c) imaju pozitivno poslovanje u prethodnoj kalendarskoj godini ili iskazan gubitak do najviše 15.000,00 KM

(2) Izuzetno iz prethodnog stava, Korisnici podsticajnih sredstava ne mogu biti obrti i MMSP-ovi koji:

- a) imaju neizmirene obaveze prema Općini Centar Sarajevo,
- b) obavljaju djelatnost iz oblasti igara na sreću,
- c) obavljaju djelatnost proizvodnje, prerade ili puštanja u promet duhanskih proizvoda i alkoholnih pića,
- d) obavljaju djelatnost proizvodnje koja ima značajan uticaj na zagađenje ljudske okoline i dokazanu štetnost po zdravlje stanovništva,
- e) obavljaju djelatnost trgovine na malo oružjem, municijom i vojnom opremom,
- f) javna preduzeća koja obavljaju djelatnosti od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa) u kojem općina, grad, kanton ili Federacija Bosne i Hercegovine ima većinski udio u vlasništvu.

Član 3. (Način finansiranja)

- (1) Budžetska sredstva za provedbu mjere se realizuju putem sklopljenog Ugovora između Općine i Korisnika podsticajnih sredstava.
- (2) Općina će Korisnicima podsticajnih sredstava, refundirati prihvatljive troškove za certificiranje proizvodnih procesa, proizvoda ili usluga u iznosu od:
 - a) **50%** troškova certificiranja, a maksimalno 2.000,00 KM sumarno, za sve priložene *certifikate i prihvatljive troškove iz tekuće kalendarske godine¹* ili
 - b) **100%** troškova certificiranja ukoliko oni ne prelaze iznos od 1.000,00 KM, za sve priložene *certifikate i prihvatljive troškove iz tekuće kalendarske godine²*.
- (3) Ugovorom iz stava (1) ovog člana uređuju se prava i obaveze Općine i Korisnika podsticajnih sredstava, način refundacije troškova certifikacije proizvodnih procesa, usluga i proizvoda, obaveze dostavljanja dokazne dokumentacije o završenoj certifikaciji i drugo.
- (4) Zahtjevi za refundaciju troškova certificiranja, Komisija će cijeliti shodno redoslijedu pristiglih prijava za navedenu mjeru.

II DIO- PRAVO UČEŠĆA I KRITERIJI

Član 4. (Javni poziv i tražena dokumentacija)

- (1) Općina zadržava pravo da, u okviru javnog poziva, naknadno zatraži i dodatnu dokumentaciju ukoliko se utvrdi postojanje zakonske ili druge relevantne obaveze.
- (2) Javni poziv za refundaciju dijela troškova certificiranja proizvodnih procesa, proizvoda ili usluga za obrte i MMSP-ove na području općine Centar Sarajevo sadrži slijedeća poglavlja:
 - a) Predmet javnog poziva
 - b) Cilj poziva i namjena sredstava
 - c) Pravo učešća

¹ Za prihvatljive troškove iz tekuće kalendarske godine podrazumijeva da certifikati, predračuni, fakture za nabavku usluge i uplate moraju datirati iz tekuće kalendarske godine

² Za prihvatljive troškove iz tekuće kalendarske godine podrazumijeva da certifikati, predračuni, fakture za nabavku usluge i uplate moraju datirati iz tekuće kalendarske godine

- d) Kriterije za ocjenu prijave i izbor korisnika
 - e) Sadržaj potrebne dokumentacije
 - f) Link za preuzimanje Prijavnog obrasca
 - g) Način i rok podnošenja prijave
 - h) Ostale odredbe
- (2) Javni poziv ostaje otvoren do utroška sredstava od dana objavljivanja u sredstvima javnog informisanja, a najkasnije do kraja novembra tekuće kalendarske godine.
- (3) Aplikanti sa pravom učešća su u obavezi , uz popunjen *Prijavni obrazac (Prilog 1)*, priložiti dokumentaciju kako slijedi:
- a) original ili ovjerenu fotokopiju aktualnog izvoda iz sudskog registra (pravna lica) ili rješenje o registraciji ili osnivanju, kao dokaz da je sjedište firme na području Općine Centar Sarajevo,
 - b) original ili ovjerenu fotokopiju uvjerenja o poreskoj registraciji sa identifikacionim brojem,
 - c) original ili ovjerenu fotokopiju uvjerenja o izmirenim obavezama po osnovu poreza i doprinosa (izdat od strane Porezne uprave Federacije Bosne i Hercegovine)
 - d) original ili ovjerenu fotokopiju uvjerenja o izmirenim obavezama poreza na dodatnu vrijednost ukoliko je podnosilac aplikacije PDV obveznik ili uvjerenje da nije PDV obveznik (izdat od strane Uprave za indirektno oporezivanje Bosne i Hercegovine)
 - e) bilans stanja i bilans uspjeha za prethodnu godinu za privredna društva, odnosno specifikacije za utvrđivanje dohotka od samostalne djelatnosti (obrazac SPR-1053) za prethodnu godinu za obrtnike,
 - f) ugovor, račun i certifikat akreditovane certifikacijske agencije,
 - g) dokaz da je agencija koja je realizovala uslugu certifikacije akreditovana,
 - h) izvod banke kao dokaz o plaćenim troškovima certifikacije.
- (4) Originali ili ovjerene fotokopije, ne mogu biti starije od trideset (30) dana od dana apliciranja.

III- IMENOVANJE KOMISIJE I POSTUPAK EVALUACIJE PRIJAVA

Član 5.

(Imenovanje i rad Komisije za izbor korisnika finansijskih sredstava namijenjenih za certificiranje proizvodnih procesa, proizvoda ili usluga za obrte i MMSP-ove)

- (1) Komisiju imenuje Općinski načelnik.
- (2) Postupak dodjele finansijskih sredstava namijenjenih certificiranju proizvodnih procesa, proizvoda ili usluga za obrte i MMSP-ove sa područja općine Centar Sarajevo provodi Komisija.
- (3) Komisija se sastoji od, najmanje, tri člana iz reda državnih službenika.
- (4) Komisija radi u punom sastavu i za svoj rad je odgovorna Općinskom načelniku.
- (5) Komisija ima zadatak da u skladu sa odredbama ovog Pravilnika i na osnovu propisanih kriterija objavljenih u Javnom pozivu izvrši vrednovanje dostavljenih prijava, sačini pismeni izvještaj sa utvrđenim Prijedlogom raspodjele sredstava i isti dostavi Općinskom načelniku na saglasnost.
- (6) Imenovani članovi Komisije su obavezni potpisati Izjavu o nepristranosti i povjerljivosti podataka (*Prilog 3*)
- (7) Komisija ima pravo da, u toku konkursne procedure i prije donošenja Odluke o dodjeli finansijskih sredstava od aplikanta traži dostavljanje dodatne dokumentacije radi utvrđivanja namjene korištenja finansijskih sredstava

- (8) Na osnovu prijedloga Komisije, Općinski načelnik će donijeti Odluku o dodjeli finansijskih sredstava namijenjenih za certificiranje proizvodnih procesa, proizvoda ili usluga za obrte i MMSP-ove (u daljem tekstu: Odluka), te će ista biti objavljena oglasnoj ploči Općine Centar Sarajevo.
- (9) Na osnovu Odluke, Općinski načelnik će sa odabranim Korisnicima zaključiti Ugovor o dodjeli finansijskih sredstava namijenjenih za certificiranje proizvodnih procesa, proizvoda ili usluga za obrte i MMSP-ove.
- (10) Odobrena sredstva, prema Ugovoru i ugovornim obavezama, će biti uplaćena na transakcijski račun pravnog lica.

IV- ZAVRŠNE ODREDBE

Član 6.

(Prigovor na rezultate Javnog poziva)

Učesnici na Javnom poziv, koji ne ostvare pravo na refundaciju dijela troškova certificiranja proizvodnih procesa, proizvoda ili usluga za obrte i MMSP-ove, imaju pravo na prigovor. Za ulaganje eventualnih prigovora rok je 7 (sedam) dana od dana objavljivanja na web stranici Općine Centar Sarajevo Odluke o kandidatima koji su ostvarili pravo. Podnošenje prigovora je omogućeno isključivo u formatu koji je dat kao *Prilog 4* ovog Pravilnika.

Po isteku perioda za prigovore, iste razmatra Komisija koju posebnom Odlukom formira i imenuje Općinski načelnik.

Rok za odlučivanje po svim ulozenim prigovorima je 5 (pet) dana. Po isteku ovog roka, a na osnovu prijedloga Komisije za prigovore, Općinski načelnik donosi konačnu Odluku.

Član 7.

(Stupanje na snagu)

Ovaj Pravilnik stupa na snagu danom objavljivanja na oglasnoj ploči Općine Centar Sarajevo .

Broj: 11/B-11-3893/25

Sarajevo, 11.06.2025.



OPŠTINSKI NAČELNIK

Srdan Mandić



PRIJAVNI OBRAZAC

Prilog 1.

PROJEKAT "Refundacija dijela troškova certificiranja proizvodnih procesa, proizvoda ili usluga za obrte i MMSP-ove sa područja Općine Centar Sarajevo"

(Obavezno je ispuniti sve tražene podatke. Obrazac je predviđen za elektronsko popunjavanje, a moguće je popuniti i izravnim upisivanjem traženih podataka. **Popunjeni obrazac potrebno je potpisati i ovjeriti pečatom firme.**)

I – OSNOVNI PODACI

Ime i prezime (vlasnik/direktor)	
Telefon / Mobilni telefon/ E-mail	
Naziv obrta/MMSP-a	
Sjedište djelatnosti (Općina), adresa i broj	
Identifikacioni broj (ID broj)	
Datum registracije djelatnosti	
Vrsta djelatnosti	
Naziv banke u kojoj je otvoren i aktivan račun djelatnosti	
Broj transakcijskog računa firme	

II - SAŽETAK PROJEKTA (Napisati na koji način će certifikacija doprinijeti boljoj optimizaciji procesa, proizvoda i usluga)

Izjavljujem, pod punom materijalnom i krivičnom odgovornošću, da su gore navedeni podaci istiniti što potvrđujem potpisom, te sam saglasan/saglasna da se moji podaci, koje Zakon o zaštiti ličnih podataka ("Sl. novine BiH" broj 49/2006, 76/2011 i 89/2011) definiše kao posebnu kategoriju podataka ukoliko to postupak zahtijeva, koriste od strane Službe za LER i mjesnu samoupravu Općine Centar Sarajevo u svrhu provođenja i okončanja postupka za ostvarivanje prava za čije je rješavanje nadležna naprijed navedena Služba.

M.P.

Datum i mjesto:

(ovjeriti pečatom firme)

Potpis:

Prilog 2. Izjava (Aplikanti)

IZJAVA o primljenim de minimis pomoćima

Na osnovu člana 18. Uredbe o uslovima i postupku dodjele pomoći male vrijednosti - de minimis pomoći (*Službene novine Federacije BiH, broj:22/25 od 26.03.2025. godine*)

Naziv privrednog subjekta	
Adresa sjedišta	
Identifikacijski (registarski) broj	

Izjavljujem da privredni subjekt kojeg predstavljam i privredni subjekti s kojima smo povezani¹ na način propisan članom 5. Uredbe o uslovima i postupku dodjele pomoći male vrijednosti - de minimis pomoći u periodu od tri godine² (*staviti X na odgovarajuće mjesto*):

- ☐ Nije/nisu primio/li de minimis pomoć
☐ Primio/li je/su de minimis pomoć

Ako je odgovor pozitivan, obavezno ispuniti sljedeću tabelu:

	Davalac de minimis pomoći	Namjena ili projekti za koje su odobrene de minimis pomoći	Iznos korištene de minimis pomoći u KM i EUR ³ u trogodišnjem periodu
			Period od datuma podnošenja izjave i prethodnih 36 mjeseci
1.			
2.			
3.			

Pod krivičnom i materijalnom odgovornošću izjavljujem da su podaci koje sam upisao/la u ovoj izjavi potpuni i istiniti.

Datum podnošenja Izjave: _____20___. godine


Potpis odgovornog lica i pečat

¹ „Jednim privrednim subjektom“ smatraju se svi privredni subjekti odnosno grupa povezanih privrednih subjekata koji su barem u jednom od sljedećih odnosa jedan prema drugom:

- a) određeni privredni subjekt ima većinu glasačkih prava dioničara ili članova u drugom privrednom subjektu;
b) određeni privredni subjekt ima pravo imenovati ili smijeniti većinu članova upravnog, upravljačkog ili nadzornog tijela drugog privrednog subjekta;
c) određeni privredni subjekt ima pravo na ostvarivanje vladajućeg utjecaja nad drugim privrednim subjektom na osnovu ugovora sklopljenog s tim subjektom ili na osnovu odredbe njegovog osnivačkog akta ili statuta;
d) određeni privredni subjekt, koje je dioničar ili član u drugom privrednom subjektu, samo kontroliše većinu glasačkih prava dioničara ili glasačkih prava članova u tom privrednom subjektu u dogovoru s drugim dioničarima ili članovima tog subjekta.

² Trogodišnji period do datuma podnošenja izjave.

³ Preračunato po srednjem kursu Centralne banke BiH koji vrijedi na dan kada poduzetnik stekne zakonsko pravo na primanje de minimis pomoći.



IZJAVA

Prilog 3.

Izjava o nepristrasnosti i povjerljivosti podataka

U skladu sa Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24), te člalom 5. stav 6. Pravilnika o uslovima i načinu refundacije dijela troškova certificiranja proizvodnih procesa, proizvoda ili usluga za obrte i MMSP-ove na području Općine Centar Sarajevo (broj: _____ od: _____), ja, dole potpisani/a [Ime i prezime], JMBG [xxxxxxxxxxxxx], nastanjen/a na adresi [xxxxxxxxxxxxx], [71000 Sarajevo], u svojstvu člana Komisije za izbor korisnika finansijskih sredstava namijenjenih za refundaciju dijela troškova certificiranja proizvodnih procesa, proizvoda ili usluga u okviru Javnog poziva za refundaciju dijela troškova certificiranja proizvodnih procesa, proizvoda ili usluga za obrte i MMSP-ove na području Općine Centar Sarajevo, dajem sljedeću:

IZJAVU O NEPRISTRASNOSTI I POVJERLJIVOSTI PODATAKA

Ovom izjavom potvrđujem:

- a) da se u odnosu na listu aplikanata ne nalazim u sukobu interesa, odnosno da niti ja lično niti članovi moje porodice (bračni ili izvanbračni drug, dijete ili roditelj) nismo vlasnici, pokretači ili partneri u pokretanju predmetnih poslovnih poduhvata niti u odnosu na poduhvate imamo bilo kakav materijalni ili nematerijalni interes suprotan javnom interesu i to u slučajevima porodične povezanosti, ekonomskih interesa ili drugog zajedničkog interesa.
- b) da ću u obavljanju dužnosti na koju se imenujem postupati časno, pošteno, savjesno, odgovorno i nepristrano
- c) da ću čuvati povjerljivost podataka i informacija, te da će čuvati vlastitu vjerodostojnost i dostojanstvo dužnosti na koju sam imenovan/a

Ukoliko na bilo koji način dođe do utvrđivanja postojanja određenih veza, neposredne ili posredne koristi, prihvatam da se moj glas u procesu evaluacije i validacije anulira. Ovu izjavu sam u potpunosti pročitao/la, ona predstavlja moju pravnu volju te je u znak saglasnosti potpisujem.

Ova Izjava se daje isključivo u svrhu spriječavanja sukoba interesa, o nepristrasnosti i povjerljivosti podataka, te se u druge svrhe ne može koristiti.

Sarajevo, [xxxxxxxxxxxxx]. godine

(potpis)



FORMULAR ZA PRIGOVOR

Prilog 4.

PROJEKAT "Refundacija dijela troškova certificiranja proizvodnih procesa, proizvoda ili usluga za obrte i MMSP-ove sa područja Općine Centar Sarajevo"

(Obavezno je ispuniti sve tražene podatke. Obrazac je predviđen za elektronsko popunjavanje, a moguće je popuniti i izravnim upisivanjem traženih podataka. Popunjeni obrazac potrebno je potpisati i ovjeriti pečatom firme.)

I – OSNOVNI PODACI

Ime i prezime (vlasnik/direktor)	
Naziv obrta/MMSP-a	

II - OSNOVA ZA PODNOŠENJE PRIJAVE: (Navedi konkretne članove Pravilnika čije odredbe su, prema Vašem mišljenju, povrijeđene tokom procesa odlučivanja)

--

III - OPIS PRIGOVORA: (Navedi detaljno objašnjenje propusta koji su, prema Vašem mišljenju počinjeni tokom procesa ocjenjivanja)

--

Datum i mjesto podnošenja
prigovora

Podnosilac prigovora

M.P.